



ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

«ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ» ՀԻՄՆԱԴՐԱՄԻ ԵՎ «ԹԱՅԳՐ ԳՐՈՒՊ» ՍՊԸ-Ի (REEBOK SPORT CLUB ARMENIA) ՄԻՋԵՎ

Սույն համագործակցության հուշագիրը (այսուհետ՝ Հուշագիր) կնքվում է «Հայաստանի ֆիզիկական կուլտուրայի և սպորտի պետական ինստիտուտ» հիմնադրամի (այսուհետ՝ Ինստիտուտ) և «Թայգր Գրուպ» ՍՊԸ (Reebok Sport Club Armenia, այսուհետ՝ Reebok) միջև:

Հաշվի առնելով, որ Կողմերն ընդունում են փոխադարձ համագործակցությունը և փորձի փոխանակումը,

Նկատի ունենալով, որ համատեղ համագործակցությունը հնարավոր է միայն կառուցողական փոխգործակցության և փոխօգնության կազմակերպմամբ,

Կարևորելով ուսանողների և ապագա մարզիչ-մանկավարժների պրակտիկ ոլորտում կարողությունների զարգացումը և կարիերայի ձևավորումը,

Ընդունելով Ինստիտուտի և Reebok-ի պատրաստակամությունը պրակտիկ համատեղ հետազոտությունների իրականացման, ուսանողների պրակտիկաների կազմակերպման համատեքստում,

Հիմք ընդունելով սույն Հուշագիրը և փոխադարձ պայմանավորվածությունները,

Կողմերը համաձայնեցին հետևյալի շուրջ՝

1. Համագործակցության նպատակը

1.1 Սույն Հուշագրով Կողմերը նախատեսում են Հայաստանի Հանրապետության օրենսդրության շրջանակներում համագործակցել հուշագրի 2-րդ մասով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

2. Համագործակցության ուղղությունները

2.1 Սույն հուշագրով Կողմերը համագործակցում են.

- 2.1.1 Reebok-ում հնաստիտուտի ուսանողների և շրջանավարտների պրակտիկաների կազմակերպման աշխատանքներում,
- 2.1.2 հնաստիտուտի ուսանողների վերապատրաստումների և աշխատանքի տեղավորման գործում
- 2.1.3 հնաստիտուտի կրթական ծրագրերի մշակման, նորարարական, ծրագրերի համատեղ իրականացման շուրջ
- 2.1.4 Սեմինարների, խորհրդակցությունների կազմակերպման միջոցով,
- 2.1.5 Կողմերի գործունեությանն առնչվող համապատասխան նյութերի հրատարակման գործում,
- 2.1.6 Լրացուցիչ և շարունակական մասնագիտական կրթական ծրագրերի համատեղ իրականացման ոլորտում,
- 2.1.7 Երկկողմանի հետաքրքրություն ներկայացնող ուսումնակրթական բնույթի ծրագրերի, այդ թվում՝ համապատասխան ոլորտներում հետազոտությունների, փորձաքննությունների իրականացման ոլորտում,
- 2.1.8 Համատեղ իրականացվող աշխատանքների արդյունքների, դրանց խոչընդոտող հանգամանքների մասին տեղեկատվություն հայցելու և ստանալու միջոցով:

2.2. Կողմերն իրականացնում են նաև՝

2.2.1"Երկկողմանի հետաքրքրություն ներկայացնող ուսումնակրթական բնույթի ծրագրերի, այդ թվում՝ համապատասխան ոլորտներում համատեղ միջոցառումների կազմակերպում:

2.2.3.Միջազգային գիտական կոնֆերանսներ, սեմինարներ, ստեղծագործական բանավեճեր, խորհրդակցություններ:

2.2.4.Գիտական, մասնագիտական գրականության, մեթոդական ձեռնարկների, աշխատությունների, պարբերականների և այլ նյութերի փոխանակում:

2"2"5"Կողմերի գրադարանային ֆոնդի համատեղ օգտագործում:

2. Համագործակցության սկզբունքները

3.1 Կողմերը սույն Հուշագրի սահմաններում իրենց գործառույթներն իրականացնում են օրինականության, փոխօգնության, համագործակցության սկզբունքներով:

3. Եզրափակիչ դրույթներ

3.2.Սույն Հուշագիրը կնքվում է երկու օրինակից հայերեն լեզվով, որոնք ունեն հավասար իրավաբանական ուժ: Յուրաքանչյուր կողմին տրվում է մեկական օրինակ:

